



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
**Ustavno - pravna komisija**  
Broj: 01/1-011-922/02  
Sarajevo, 10.09.2002.

Bosna i Hercegovina  
**PARLAMENTARNA SKUPŠTINA**  
BOSNE I HERCEGOVINE  
SARAJEVO

Priljeno: 30.09.2002.g.			
Org. Jed.	Broj	Prilozi	Vrijednost
01/1-	011-922/02		

B

## ZAPISNIK sa 30. sjednice Ustavno - pravne komisije

Sjednica je održana dana 10.09.2002.godine sa početkom u 10,00 sati.

Sjednici su prisustvovali:

1. Mirko Banjac
2. Hilmo Neimarlija
3. Bogić Bogičević
4. Muhamed Begović
5. Željko Bilbija

Odsutni su bili članovi Komisije: Mariofil Ljubić, Miro Grabovac – Titan, Mirko Mijatović i Osman Brka, koji je najavio odsutnost zbog službenog puta.

U ime predstavnika predlagača, Vijeća ministara BiH sjednici su prisustvovali Amir Pilav i Marko Nenadić, te poslanici predlagači zakona: Abdurahman Malkić, Emina Zaćiragić, Mustafa Cuplov i Mirsad Purić.

Sjednici je takođe prisustvovao i Milan Zjajić, sekretar Komisije.

Predsjedavajući Komisije Mirko Banjac predložio je sljedeći

### DNEVNI RED:

1. Verifikacija zapisnika sa 29. sjednice održane 16.07.2002. godine
2. Prijedlog zakona o Zavodu za javno zdravstvo Bosne i Hercegovine,
3. Prijedlog zakona o izvršnom postupku pred Sudom BiH,
4. Prijedlog zakona o praznicima i neradnim danima u BiH, prijedlog poslanika. Mariofila Ljubića, Mire Grabovca – Titana, Zdenka Vukića, Marka Amidžića i Mirka Bakovića,
5. Prijedlog zakona o državnim praznicima u BiH, prijedlog poslanika Abdurahmana Malkića i Seada Buturovića..
6. Prijedlog zakona o parničnom postupku pred Sudom BiH,
7. Prijedlog Krivičnog zakona BiH,
8. Prijedlog zakona o izmjenama i dopunama Zakona o izbjeglicama iz BiH i raseljenim osobama u BiH.
9. Autentično tumačenje člana 2. Zakona o zaštiti ličnih podataka, na zahtjev Vijeća ministara BiH.
10. Ostala pitanja.

Predloženi dnevni red je jednoglasno prihvaćen.

#### Ad. 1.

Bez primjedbi zapisnik sa 29. sjednice, održane 16.07.2002. godine, jednoglasno je verifikovan.

#### Ad. 2.

Otvarajući ovu tačku dnevnog reda predsjedavajući Banjac dao je riječ predstavniku predlagača zakona, konstatujući da nije bilo uloženi amandmana. Pošto predstavnici predlagača nisu cijenili potrebnim da diskutuju za riječ se javio Željko Bilbija i podsjetio da je stav njegovog Kluba prilikom



rasprave o ustavnom osnovu bio da je neophodno pribavljanje saglasnosti entiteta za donošenje ovog zakona i naglasio da zbog toga neće podržati prijedlog u ovoj fazi.

Zatim je Ustavno – pravna komisija većinom glasova, sa tri glasa "za" i dva glasa "protiv" usvojila tekst Prijedloga zakona o Zavodu za javno zdravstvo Bosne i Hercegovine, kako su ga predložili predlagači i zaključila da je predloženi zakon neophodno donijeti, te da se Prijedlog zakona o Zavodu za javno zdravstvo Bosne i Hercegovine može uputiti Predstavničkom domu Parlamentarne skupštine BiH u dalju proceduru usvajanja. U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija je imenovala predsjedavajućeg Mirka Banjca.

#### **Ad. 3.**

Predsjedavajući je konstatovao da nije bilo uloženi amandmana na tekst Prijedloga zakona o izvršnom postupku pred Sudom BiH i dao riječ predstavniku predlagača. Amir Pilav nije imao potrebu da diskutuje, kao i prisutni članovi Komisije.

Zatim je Ustavno – pravna komisija većinom glasova, sa tri glasa "za" i dva glasa "protiv" usvojila tekst Prijedloga zakona o izvršnom postupku pred Sudom Bosne i Hercegovine, kako je ga predložio predlagač i zaključila da je predloženi zakon neophodno donijeti, te da se Prijedlog zakona o izvršnom postupku pred Sudom Bosne i Hercegovine može uputiti Predstavničkom domu Parlamentarne skupštine BiH u dalju proceduru usvajanja. U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija je imenovala predsjedavajućeg Mirka Banjca.

#### **Ad. 4.**

Zbog ne prisustvovanja sjednici predstavnika predlagača Komisija je jednoglasno skinula sa dnevnog reda Prijedlog zakona o praznicima i neradnim danima u BiH, prijedlog poslanika. Mariofila Ljubića, Mire Grabovca – Titana, Zdenka Vukića, Marka Amidžića i Mirka Bakovića.

#### **Ad. 5.**

U raspravi po ovoj tački dnevnog reda (Prijedlog zakona državnim praznicima u Bosni i Hercegovini vjerskim blagdanima i značajnim datumima) učestvovali su svi prisutni članovi Komisije i jedan od predlagača, Abdurahman Malkić. Amandmane je u ime Kluba PDP, SNSD-DSP, SPRS, SNS uložio poslanik Željko Bilbija. Komisija je većinom glasova odbila dva amandmana, a od ostalih je predlagač odustao, jer su odbijanjem prva dva amandmana izgubili smisao.

Sa dva glasa "za" i tri glasa "protiv" Ustavno – pravna komisija nije usvojila tekst Prijedloga zakona državnim praznicima u Bosni i Hercegovini vjerskim blagdanima i značajnim datumima, kako su ga predložili predlagači, ali je zaključila da je predloženi zakon neophodno donijeti, te da se Prijedlog zakona o državnim praznicima u Bosni i Hercegovini vjerskim blagdanima i značajnim datumima uputi Predstavničkom domu Parlamentarne skupštine BiH u dalju proceduru. U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija je imenovala predsjedavajućeg Mirka Banjca.

#### **Ad. 6.**

Bez posebne rasprave Ustavno-pravna komisija Predstavničkog doma Parlamentarne skupštine BiH je većinom glasova, sa tri glasa "za" i dva glasa "protiv" utvrdila da postoji valjan ustavno-pravni osnov za donošenje Zakona o parničnom postupku pred Sudom BiH i smatra da se ponudeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

#### **Ad. 7.**

Nakon kraće diskusije Željka Bilbije, koji je naglasio potrebu za saglasnošću entiteta u postupku predlaganja Krivičnog zakona BiH Ustavno-pravna komisija Predstavničkog doma Parlamentarne skupštine BiH je većinom glasova, sa tri glasa "za" i dva glasa "protiv" utvrdila da postoji valjan ustavno-pravni osnov za donošenje Krivičnog zakona i smatra da se ponudeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

#### **Ad. 8.**

Bez posebne rasprave Ustavno-pravna komisija Predstavničkog doma Parlamentarne skupštine BiH je jednoglasno utvrdila da postoji valjan ustavno-pravni osnov za donošenje Zakona o izmjenama i dopunama Zakona o izbjeglicama iz BiH i raseljenim osobama u BiH, i smatra da se ponudeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

#### **Ad. 9.**

Nakon kraće rasprave Ustavno-pravna komisija je jednoglasno zaključila da je štampanjem glasačkih listića u inostranstvu povrijeđen član 2. Zakona o zaštiti ličnih podataka, i predlaže svoj stav Predstavničkom domu.

**Ad. 10.**

Kako nije bilo ostalih pitanja, u 11,45 sati predsjedavajući je zaključio sjednicu.

PREDSJEDAVAJUĆI  
USTAVNO - PRAVNE KOMISIJE  
**mr Mirko Banjac**

